

خاف الله...

إبراهيم عليه السلام
أرسله إله معبود
ينصح كل الناس
ويقول في إله موجود
ويمحي بكلامه الجهل
ويفتح طريق مسدود
وقف في وش الباطل
بربه كان مسنود
وكسّر الأصنام
أمام كل الحشود
وقال... أعبدوا ربكم
اللي مألّهش حدود
اللي بيبعث رزقه
في قلب الحجر للود
واحد أحد مقتدر
إله الآباء والجدود
وعشان الغرور والكبر

بتاع كلام



والكفر ويا الجحود
قالوا إرموه في النار
وده أمر من النمرود
يانمرود...ياجبار
مش خايف تخش النار؟؟
أهو ربك أرسل بعوضة
عملت عليك حصار

يامن عشقت الجمال
زور قبر...طل وشوف
تلقي الجمال إتردم
والعضم صار مكشوف
وقدود كانت جميلة
ورموش كانت كحيلة
دلوقتي لما تشوفها
والله تموت من الخوف

يامن عشقت الجمال
زور قبر واتطلع



بتاع كلام



تلقي الجمال اتردم
والعضم متخلع
وأجسام كانت جميلة
دي كانت بتدلح
يابن ادم فوق واتعظ
من قبل ماتولع
وعجبي..!!

